

O.AB.100.3LS.0.6.4110.15  
30.11.2015

Ինֆորմացիայի Ազատության  
Կենտրոն ՀԿ իրավաբան պարոն  
Գևորգ Հայրապետյանին

Հարգելի պարոն Հայրապետյան,

Ինֆորմացիայի Ազատության Կենտրոն հասարակական կազմակերպության անվամբ, իրավաբան Գևորգ Հայրապետյանի ստորագրությամբ հաստատված 2015թ. նոյեմբերի 11-ի գրությամբ, <Ամերիաբանկ> ՓԲԸ ներկայացվել է հարցում, որով պահանջվում է տրամադրել տեղեկություններ Բանկի կողմից իրականացվող տեսագրման և ձայնագրման իրավական հիմքերի մասին:

Ցանկանում ենք տեղեկացնել, որ հայցվող տեղեկությունների տրամադրման մասով Բանկի համար հիմք չեն կարող հանդիսանալ Ձեր կողմից վկայակոչված օրենսդրական հիմնավորումները, դրանք են՝ Սահմանադրության 27 և 27.1 և <Տեղեկատվության ազատության մասին> ՀՀ օրենքի (այսուհետ՝ Օրենք) 6-րդ հոդվածները:

Մասնավորապես, Օրենքը չի կիրառվում առևտրային բանկերի նկատմամբ, քանի որ Օրենքի 1-ին հոդվածի 2-րդ մասն ուղղակի սահմանում է. <Սույն օրենքի գործողությունը տարածվում է պետական և տեղական ինքնակառավարման մարմինների, պետական հիմնարկների, բյուջեներից ֆինանսավորվող կազմակերպությունների, ինչպես նաև հանրային նշանակության կազմակերպությունների և դրանց պաշտոնատար անձանց վրա>:

Մանրամասնելով, հարկ ենք համարում նշել, որ Օրենքի 3-րդ և 6-րդ հոդվածների համաձայն.

- յուրաքանչյուր անձ իրավունք ունի ծանոթանալու իր փնտրած տեղեկությանը և (կամ) դա ստանալու նպատակով օրենքով սահմանված կարգով հարցմամբ դիմելու տեղեկատվություն տնօրինողին և ստանալու այդ տեղեկությունը:

- տեղեկատվություն տնօրինող է հանդիսանում՝ տեղեկություններ ունեցող պետական և տեղական ինքնակառավարման մարմիններ, պետական հիմնարկներ, բյուջեներից ֆինանսավորվող կազմակերպություններ, ինչպես նաև հանրային նշանակության կազմակերպություններ և դրանց պաշտոնատար անձինք:





- հանրային նշանակության կազմակերպություն է հանդիսանում ապրանքային շուկայում մենաշնորհ կամ գերիշխող դիրք ունեցող, ինչպես նաև առողջապահության, սպորտի, կրթության, մշակույթի, սոցիալական ապահովության, տրանսպորտի և կապի, կոմունալ ոլորտներում հանրությանը ծառայություններ մատուցող ոչ պետական կազմակերպությունները:

Միաժամանակ անհրաժեշտ է նկատի ունենալ, որ՝ իրավաբանական անձի անունից առանց լիազորագրի կարող է հանդես գալ տվյալ իրավաբանական անձի ղեկավարը (գործադիր մարմինը) կամ համապատասխան պատշաճ լիազորություններ ունեցող անձը:

Հարգանքով՝

Տնօրինության նախագահ-  
գլխավոր տնօրենի ժ/պ՝

Կատարող՝ Հրայր Մարանգուլյան  
Հեռ. 56 11 11 /մեքֆին՝ 0321/



Տիգրան Զրբաշյան